

湖南府縣志輯

中國地方志集成

民國陝西縣志(一)

K296.4
10
9

中國地方志集成

湖南府縣志輯 ⑭

民國醴陵縣志(一)

江蘇古籍出版社●上海書店●巴蜀書社

醴陵縣志序

當抗日軍興。寇之來犯湘也。趨洞庭。陷長沙。沿湘潯而上。襲湘東南各縣。未遑喘息。是以田墟芻牧之廢。禮俗文物之弛。因亂日亟。而事莫彰。亦勢然也。醴陵會烽火倉皇間。里騷動之時。地方人士僉議倡修縣志。不顧時之阨危。事之艱苦。欲期舉而措之。待觀其成。聞者愕然而滋惑。洎乎亂定。劉子約真來晤於長沙。一日。竟挾所成之醴陵縣志稿。哀然巨帙。賈省文獻委員會。例請審查。余受而讀之。未可以已於言也。夫國家治亂相乘。千數百年人文政教之隆替。簡冊具焉。故於承平日久。重熙累洽。由今而上溯之。禮樂法度。燦備修明。固易徵也。至若猝罹兵劫。

蕩析凋敝之餘。綜一方庶彙。追求因革損益之宜。散者拾之。漏者補之。晦者章之。實者翔之。要其理析條貫。以從容於鉛槧。則非卓犖堅守者。不能圖難而有爲也。蓋醴陵之有縣。始於東漢。而有志書也。始於宋張耕之淶江志。自明景泰萬歷崇禎。迄清順治康熙乾隆嘉慶同治。相繼修志者十焉。歷時綿遠。民獻克修。今乃舊典故籍。多至散佚。而事類千萬。日異月新者。宜以要最。著於官書。所謂今而不述。後者何聞。約真以垂老之年。孜孜於志乘之搜采編述。發凡起例。董而理之。山陬水澨之蹤。杜戶操觚之業。始事於亂中。定稿於寇退。可謂勤矣。曩游湘東。攬淶江之勝跡。夷考其風土。知自鼎革以還。文武恢張。凌轢前代。衣冠人物。

之隆盛。勛烈聲容之昭灼。實與山川之靈氣。時相映發。此尤爲可稱也。省者。縣之所積也。省之有志。縣志之所匯也。國家經艱苦八年之大戰。奠定區宇。中樞鑒於劫後殘破。力謀復興。緣昭示全國。有省市縣各級文獻委員會之組設。頃延致湘之耆獻。共理省志之役。有待於市縣志之具修。來備采擇。年來七十九市縣。雖承命籌修志事。而未有成書。今乃獲見醴陵縣志及時刊行。鑒古證今。體例斯備。是非獨有關一縣人文政教之考驗。而可以興起來者。且將以爲省志之先河。此又足饜殷殷之願望者也。

民國三十七年戊子秋八月湘陰仇鰲謹序於湖南省文獻委員會

醴陵縣志序

戊子夏。奉檄宰醴陵。適邑賢劉約真先生等。纂修縣志成。將付剞劂。出稿見示。略一涉覽。覺一縣掌故。犁然眼底。其中地理、宗教、藝文、建置、大事、氏族、禮俗、教育、食貨、賦役、交通、政治、人物諸項。皆列有專篇。窮蒐博採。紀敘精詳。爲前此志書所未有。洵爲本邑文獻放一異彩。惟考醴陵建縣於東漢。縣志自同治十修以還。距今已歷七十餘載。就國家政體言。由帝王專制。進入民主。就國家沿革言。遜清旣屋。民國肇興。此數十年間。歷史演進。吾醴陵實握其機運焉。蓋咸同以後。清政益腐敗。不可爲。程公頌雲先生。以儒生習兵事。毅然以天下爲己任。號召三湘子弟。

推翻異族。肇造民國。邑人受頌公薰陶。參與革命者。劉建藩。何芸樵。劉恢先。陶思安。劉爲章。陳明仁。鄧文儀。諸公以下。位至將官者數百餘人。其間成功成仁。莫不於革命開國史上。佔有光輝燦爛之一頁。猗歟盛哉。竊嘗謂儒家學說。在一仁字。而行仁之道。要爲一誠字。湘人夙重氣節。尙誠樸。每當國族危難。輒相率赴義。惟恐後人。但求仁義。不計功利。知其不可爲而爲。一貫道統。周濂溪。王船山。曾文正而後。繼之者其惟程公。今國事益艱。民族危機間不容髮。程公以元老出守湘贛。示公誠爲天下倡。至中至正。至大至剛。一身繫國家安危。時艱任重。又豈濂溪船山文正諸先賢所能並擬哉。昔少康以一旅成中興。高祖以平民創

漢業是邑志之成。啓導後來志士仁人者。蓋多矣。然則纂修諸君子。十二年來裹糧載筆。風雨奔馳。致力文獻之苦心。將並益彰而永垂不朽爾。中華民國三十七年十月一日嘉禾雷孟炎謹序。

醴陵縣志序

醴陵立縣於東漢。而志昉於宋。晁公武郡齋讀書志載張耕纂淶江志七卷。明景泰間周諤修志。自序云。醴陵掌故。多未之前聞。蓋似已不見張志矣。其後萬歷崇禎相繼三修。清順治康熙乾隆嘉慶同治凡六修。今距同治志出版。又七十餘載。中經政體改革。變亂頻仍。不惟康熙以前舊志不可復得。卽同治志亦不易覲。民國二十五年。縣長賀笠青大會縣紳議續修。推左萬盈等設處籌備。未幾笠青去任。值抗日軍興。遂宣告停辦。後萬盈等屢謀恢復。以款絀而止。然自是邑中留心文獻之士。輒相約裹糧載筆走鄉陬。從事采訪。謙亦與焉。且訂採訪標準。分致

同好。三十年冬。文獻委員會成立。明年謙兄子康年攝縣篆。開縣政擴大會議。議決縣志案。設縣志局於朱子祠。縣長兼主修。屬謙駐局典其事。聘王泰鍾總事務。陳經笈主採訪。爲推行便利。令各鄉鎮長就地採訪。限兩月集稿。及期繳者僅三之一。因更嚴令督催。兼派員補采。已而移局同仁醫院。設分處於大西灘袁家普故宅。聘胡壬杰爲總纂。黃鈞陽兆鵬朱德龍陳經笈廖公俠文一智爲編纂。劉振謬陽之舟爲編輯。胡鯤爲測繪員。方事部署。而康年他調。壬杰兆鵬一智泰鍾相繼辭職。鈞又物故。局用且不支。會前內政部長何鍵自渝回里。集在城士紳開會促成。推縣長陳鯤繼任主修。謙爲編纂主任。丁維藩爲事務主任。易

錚爲采訪副主任。以志材猶有不詳不實也。重派專員八人覆查。四閱月而訖事。分門編纂。經笈纂地理宗教藝文。公俠纂建置氏族禮俗。謙纂大事紀教育食貨賦役交通。與德龍同纂政治。又與公俠經笈同纂人物。各志皆繫以表。振謬之舟。分任編輯。後之舟辭職。文耀承羅大忠繼之。輿圖繪製一以屬鯤。屬筆之初。酌參近代各省縣方志而定體例。量志材以分門目。地理志詳縣境山水。而一邑之險要名勝風景故蹟。暨諸名人游記題詠。卽分其綴中。疆域之廣袤。丘陵之高度。河溪之經流。與夫市鎮村落之位置。地層物產之分布。悉根諸專家實測。更就五萬分之一圖而縮小之。爲圖十一。建置志詳置縣分鄉沿革。及衙署公

西陽縣志
卷一
舍。至於書院學校津梁陂塘寺宇各有專屬。不闌入。大事紀順年繫事。自漢劉越封醴陵侯。迄今千七百有餘載。凡一邑之興建沿革。兵事災異。及諸有關國家社會之大事。挈其綱要。著於篇。而於元明以逮民國。所歷兵禍。使人民有子遺之痛者。敘述加備。清末以還。庶政革新。緒至繁賾。綜括爲三類。以吏治財政軍警司法保甲自治衛生議會黨務。暨歷代職官與其政績入政治志。以學校圖書館體育場報社戲劇。並前代學宮書院科舉入教育志。以氏族禮制風俗救濟娛樂宗教方言入社會志。庶幾過去現在。舉無遺載。有以窺治治之源矣。食貨志昉自班史。範圍甚廣。而記載向多簡略。今政尙民生。特宜重視。窮蒐博采。不厭

求詳。茲專紀農鑛工商。而以倉儲金融度量衡附焉。析戶籍隸政治。交通賦役各立專篇。人物志分勳業忠烈學術篤行義行五目。次古今人爲一表。耆壽節婦仕宦及抗日陣亡將士。則別爲表。事狀詳贍者。乃爲之傳。藝文志專記書目。原書什九散佚。莫由窺其內蘊。故未能一一編列提要。或存其序詞。附金石一卷。舊志藝文載詩文如干首。茲酌采入傳。其有關掌故者。輒以繫事。同治以後。邑先正間有紀述。以訂舊志之外漏者。大都因歷年久遠而亡其稿。惟吳德襄氏醴陵縣志藝文補尙存完本。而足資考正之官文書。殆盡燬於兵燹。公私圖籍。亦已半付劫灰。邇來政府舉辦統計調查。尙屬草創。未足語夫精確。故在今日而言

諏今考古。誠戛戛其難。傳熊湘醴陵鄉土志。成於民國十五年。經笈與許德彰尋復撫所見聞。具詳劄記。合文斐匡弼左銘三朱芸閣潘昉李曉嵐田霞舉馬惕冰等前後訪冊。凡百數十帙。庋架爲滿。衆思所集。襃紉成書。無何。寇警猝至。倉皇輦稿藏諸山中。倭騎縱橫。蹂躪我淶水流域者。十有五月。泊寇退之翌年。始取而重理。分社會志爲四。以氏族禮俗宗教方言名篇。改隸救濟於政治。增輯新材。補入諸志。而以醴陵淪陷紀事本末殿其後。時德龍已沒。經笈病廢。公俠亦他往。因遵令改組文獻委員會。以志局併入。謙任主任委員。易書竹爲副主任委員。更延岳陽李澄宇定人物傳。縣人朱芳圃撰方言。傅紹禹編淪陷紀事。並請

湖南地質調查所技正王曉青。技士朱鈞。王北海。履勘地質鑛產。僕僕經年。以次告蕞。聚四鄉耆碩暨文獻委員。開會審查。旋又送審於省文獻委員會。參照審查意見。分別修正。張縣長沼吳。以上令徵求縣志急。督付剗剔。丁國家多難之秋。耆舊凋零。後起英賢。類皆遠適。事煩時促。適貽苟簡之譏。惟以一縣掌故。日以闕佚。忱於禍變。姑存所知。以言求備。必於海晏河清之日。薈萃專門人才。從容研討。俾網羅宏富。精義得以畢宣。爲施政設教者。導夫先路。區區此編。其椎輪乎。

中華民國三十七年三月縣人劉謙約眞序

醴陵縣志目錄

輿圖

總圖 地形圖 地質圖 四鄉分圖 交通物產圖 縣市圖 渌口市圖

大事紀

起漢高后四年迄民國三十六年

建置志

置縣沿革 城廂 公署 自治區域 公所 祠廟 坊塔 其他營造

地理志

經緯度 氣候 疆域 山系 水道 勝蹟 附照片 地質

交通志

道路 橋梁 郵政 電信

賦役志

賦稅 田賦 土地稅 營業稅 鹽稅 貨物稅 其他稅捐 徭役 兵役 工役

政治志

戶籍 職官 財政 救濟 衛生 團防 議會 黨務

教育志

學校教育 前代學制 學宮 書院 義學 科目 近代學制 教育行政機關 社會教育 圖書館 民衆教育
館 劇場 報社 射圃 各級學校 專門學籍表 國外留學生表 大學教授表
公共體育場 講演臺 公園 國術館 學產

禮俗志

秩祀 婚嫁 喪葬 祭祖 相見禮 生活 習慣 歲時 娛樂

食貨志

農林 園藝 農占 農田 水利 肥料 農具 農作物 森林
灰岩 石材 農產 畜產 野生動物 藥物 市鎮 農場 磁業 輻
工商 輸出 物價 夏布業 其他行業 商會 工會 倉儲 鑛產 金
度 量 衡 磁土 螢石 耐火土

氏族志

氏族表 祠堂表

人物志

人物表 抗日陣亡將士表 殉難人民附 節婦表 仕宦表 耆壽表
人物傳 五代晉至民國

宗教志

釋教 道教 其他 耶教

方言志

音韻表 方言考

藝文志

書目 金石 附照片

醴陵淪陷紀事本末